



## «ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ» ՀԻՄՆԱԴՐԱՄ

# ՔԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ 2022 ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ «Շրջված դասարան» և «Խմբային աշխատանք»  
մեթոդների կիրառման արդյունավետությունը «Հայոց Մեծ եղեռնը» թեմայի  
դասավանդման ժամանակ  
ԱՌԱՐԿԱ Հայոց Պատմություն  
ԿԱՏԱՐՈՂ Վարդուհի Հարությունյան  
ՎԵՐԱՊԱՏՐԱՍՏՈՂ Նաիրա Մարտիրոսյա  
ՄԱՐԶ ԱՐՄԱՎԻՐ

ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ ԱՆՎԱՆՈՒՄԸ

«ԳԱՅԻ ՄԻՋՆԱԿԱՐԳ ԴՊՐՈՑ» ՊՈԱԿ

## Բովանդակություն

Ներածություն -----  
- 3

Գլուխ 1

Հայոց Մեծ Եղեռնի պատճառները-----  
- 4

Գլուխ 2

Ցեղասպանության իրականացումն ու դրա հետևանքները----- 6

Փորձարարական դաս1.-----  
14

Թեմայի ուսուցումը << Շրջված դասարան >> մոդելով SՀS կիրառմամբ

Փորձարարական դաս 2 -----  
19

Թեմայի ուսուցումը խմբային աշխատանքի կամ համագործակցային ուսուցման միջոցով

Եզրակացություն-----  
22

Օգտագործված գրականության ցանկ-----  
-----23

## ՆԵՐԱԾՈՒԹՅՈՒՆ

Հայ ժողովրդի դարավոր պատմությունը ունի ոչ քիչ ողբերգական էջեր: Սակայն այդ ողբերգական դրվագներից ամենացնցողը 1915թ. համաժողովրդական աղետն է: Այդ հանցագործ քաղաքականության բարձրակետը հանդիսացավ 1915-1916թթ. Մեծ Եղեռնը, որը 20-րդ դարի առաջին ցեղասպանությունն էր: Ցեղասպանությունը մեր ժողովրդին պատճառեց մարդկային, տարածքային ու մշակութային անդարմանելի կորուստներ, սոցիալական ու հոգեբանական խոր ազդեցություն գործեց հայ ժողովրդի կյանքի ամենատարբեր բնագավառների վրա: Թեման ընտրել եմ , քանի որ այն խիստ արդիական է , << Հայկական հարց>>-ը շարունակում է մնալ առկախված : Արյունարբու Աբդուլ Համիդ սուլթանին, երիտթուրք պարագլուխներին և աթաթուրք Քեմալին եկել է փոխարինելու նոր արյունարբու <<սուլթան էրդողանը >> , որի համար << հայկական սեպ >> են Արցախն ու Ջանգեզուրը : Եվ քանի դեռ չի իրագործվել պանթուրքիզմի գաղափարախոսությունը, կա և գոյություն կունենա պանթուրքիզմը՝ իր վտանգներով: Սա անվիճելի իրողություն է: Ուստի պետք է դասեր քաղել պատմությունից և ամուր կանգնել պետականության և անկախության դիրքերում :

8-րդ դասարանում << Հայոց պատմության >> դասին օգտագործել եմ << Համագործակցային ուսուցում >> և << Շրջված դասարան >> S2S կիրառմամբ մեթոդները , որոնց արդյունավետությունը ներկայացրել եմ փորձարարական երկու դասերի վերաբերյալ վերլուծություններում : Աշխատանքը կազմված է ներածությունից , երկու գլուխներից , փորձարարական 2 դասերից , եզրակացությունից և օգտագործված գրականության ցանկից : Աշխատանքի համար հիմք են ծառայոլ ինչպես թեմային առնչվող պատմագիտական, աղբյուրագիտական , մեթոդամանկավարժական գրականությունը , այնպես էլ համացանցային հավաստի աղբյուրները: Տեքստը շարադրվել է նշված նյութերի համադրման, ընդհանրացման և քննական վերլուծության միջոցով:

## Գլուխ 1 Հայոց Մեծ Եղեռնի պատճառները

Օգտվելով Առաջին համաշխարհային պատերազմի ընձեռած հնարավորությունից՝ երիտթուրքերի կառավարությունը նախապատրաստեց ու իրականացրեց հայերի զանգվածային տեղահանությունն ու ոչնչացումը: Դա հայոց ցեղասպանության բարձրակետն էր, որի հետևանքով թուրքերը հասան տասնամյակներ շարունակ հետապնդած իրենց գլխավոր նպատակին՝ ամբողջությամբ հայազրկեցին Արևմտյան Հայաստանը:

Հայոց ցեղասպանությունը թուրքերի ազգային-պետական քաղաքականության հիմքում էր դրված տասնամյակներ շարունակ: Դրա վառ վկայությունն է 1915թ. օգոստոսի 31-ին Թալեաթի արած խոստովանությունը՝ «Հայկական խնդիրը լուծելու տեսակետով՝ երեք ամսվա մեջ ես ավելի գործ կատարեցի, քան Աբդուլ Համիդը երեսուն տարվա մեջ»<sup>1</sup>: Հայկական ջարդերի կազմակերպիչներից մեկը՝ դոկտոր Բեհաեդին Շաքիրը, Բաթումի կոնֆերանսում հայտարարեց. «Հայերը մեր պանիսլամական ու պանթուրքական սրբազան գաղափարների ճանապարհին են կանգնել, և մենք անխուսափելիորեն բախվում ենք նրանց հետ: Դա բարձր է, դուրս է մեր անձնական զգացմունքներից ու տրամադրություններից: Մենք ստիպված ենք մեր ճանապարհին տարերայնորեն ոչնչացնել այն ամենը, ինչ որ արգելք է հանդիսանում մեր սրբազան ազգային իդեալներն ի կատար ածելու համա»<sup>2</sup>:

Մեծ Թուրանի ստեղծումը պետք է իրագործվեր երեք փուլերով.

1. Թուրքիզմ. Այն ենթադրում էր, թուրքացնել օսմանյան կայսրությունը: Քրիստոնյա ժողովուրդները, այդ թվում հայերը կամ պիտի ձուլվեին կամ ոչնչացվեին: Թուրքացման քաղաքակրթության հայրը «մեծագույն հրեշներից մեկն էր՝ «Կարմիր սուլթանը»», որը կայսրության «փոքրանալու», դրա անկման վտանգի պատճառը համարում էր հպատակ ժողովուրդների խնդիրներով մեծ տերությունների միջամտությունը Թուրքիայի ներքին գործերին: 2. Օղուզական պետության ստեղծում. Նոր ստեղծած պետությունը՝

1. Կարապետյան Մ. Ա., Հայաստանը 1912-1920թթ.վականներին, Երևան 2003թ., էջ 56

2. Պողոսյան Ա., Պողոսյան Կ., Հայկական եւրոպի և հայոց ցեղասպանության պատմություն, հատոր II, Երևան 2002թ., էջ 18:

Օղուզստանը, իր մեջ պետք է ընդգրկեր Օսմանյան Թուրքիան, ռուսական և պարսկական Ադրբեջանները, Թուրքմենստանը: Այս փուլում փաստորեն նվաճվելու էր նաև Արևելյան Հայաստանը և ոչնչացվելու էր արևելահայությունը:

3. Պանթուրքիզմ. Այս փուլում պետք է ստեղծվեր միացյալ Թուրան պետությունը: Մեծ Թուրանն իր մեջ պետք է միավորեր թուրքալեզու բոլոր ժողովուրդներին: Այսպիսով՝ պանթուրքիզմը հայերին երրորդ ճանապարհ չէր թողնում: Հայ ժողովուրդն իր երկու հատվածներով կա մ պետք է ոչնչանար, կա մ թուրքանար:

Եվ, վերջապես, ցեղասպանության պատճառների շարքում որոշակի դեր է խաղացել տնտեսական գործոնը: Քանի որ թուրք ժողովրդի համար կյանքի հիմնախնդիրը գործ չանելն էր, հանգստանալը, նրանց համար կատարյալ էր այն հանգիստը, երբ լրիվ բացառվում էր թե՛ ֆիզիկական, և թե՛ մտավոր աշխատանքը, բացառությամբ ծխելուց և սուրճ խմելուց ու այն իրողության գիտակցումից, որ գտնվում է լիակատար անբան վիճակում: Թուրքը սոգետ էր, կոպիտ, պարծենկոտ ու գերի նախապաշարումներին: Նախախնամությունը թուրքին զրկել էր «արարելու

կարողությունից ու ճաշակից>>: Թուրքի համար բնութագրական էր Օսմանի խոսքերը՝ ասված Ալեքսանդրիայի գրադարանը հրկիզելու ժամանակ.<<Եթե դրանցում գրվածները Կուրանում չկան՝ վնասակար են, իսկ եթե կան՝ ավելորդ են>>: Ամբողջ կայսրության բնակչության ընդհանուր թվի միայն երրորդ մասն էին կազմում թուրքերը: Թուրքական տիրապետությունը բռնակալական միջոցներով շարունակում էր իր տիրապետությունն իրականացնել սլավոնների ու հայերի, արաբների ու քրդերի և այլ ժողովուրդների վրա: Կառավարությունը և նրա տեղական օրգանները ոչ միայն չէին պայքարում բացահայտ անօրինակությունների և անարդարությունների դեմ, այլև հաճախ իրենք էին հրահրում այդպիսի երևույթները:

---

3. Թուրքույան Լ., Հայկական հարցը: Բովանդակությունը, ծագումը երևակական փուլերը, Երևան 1995թ., էջ 35:

4. Պողոսյան Ա., Պողոսյան Կ., Հայկական հարցի և հայոց ցեղասպանության պատմություն, հատոր II, Երևան 2002թ., էջ 12:

5. Կիրակոսյան Ջ., Առաջին համաշխարհային պատերազմը և արևմտահայությունը, Երևան 1967թ., էջ 29:

6. Նշված աշխ., էջ 33:

## Գլուխ 2 Ցեղասպանության իրականացումն ու դրա հետևանքները

1910-1911թթ. Սալոնիկում տեղի ունեցած ընդհանուր ժողովների ժամանակ իթթիհատականները որդեգրեցին պանթուրքիզմի քաղաքականությունը: Կայսրության մահմեդական ժողովուրդները պետք է թուրքացվեին, իսկ քրիստոնյաները՝ ոչնչացվեին: Ապա Թուրքիային էին միացվելու Իրանական Ադրբեջանը, Կովկասը, Ղրիմը, Թաթարստանը, Միջին Ասիան, Միբիրը, Թուրքմենստանը, Մանջուրիան և ստեղծվելու էր մեծ Թուրանը: Բազմաթիվ թուրքական աղբյուրներ վկայում են, որ արևմտահայ ժողովրդի զանգվածային կոտորածի պլանները թուրքական կառավարողները ծրագրել էին բալկանյան պատերազմից անմիջապես հետո:

Այս ծրագրի իրականացման ճանապարհին էր գտնվում Հայաստանը, և հայ ժողովուրդը դարձավ դրա առաջին զոհը: Թուրք բնակչության մեջ սկսեցին հրահրել ամենավայրենի շովինիզմ ու հայատյացություն, կոչ էին անում՝ քանի դեռ ուշ չէ, թուրքացնել Անատոլիան, իսկ հայերին ոչնչացնել:

Պատերազմի սկզբին ստեղծվեց մի այլ մարմին, որի խնդիրը հայերի ահաբեկումն էր: Երիտթուրքերը իրենց գաղտնի խորհրդակցությունում միաձայն որոշում ընդունեցին ամբողջ հայությանը ոչնչացնելու մասին: Այդ ծրագրի իրականացման կոնկրետ միջոցառումներ մշակելու համար ստեղծվեց Երեքի գործադիր մարմին, որի անդամներն էին դոկտոր Բեհաեդդին Շաքիրը, դոկտոր Նազըմը և կրթական նախարար Միդհատ Շյուքրին: Բեհաեդդին Շաքիրի առաջարկությամբ Եռյակ կոմիտեն ստեղծեց հայերի բնաջնջման հատուկ կազմակերպություն՝ Թեշքիլաթը մախսուսե, որի գլուխ կանգնած էր Թալեաթը, տեղակալն էր Տիգրանակերտի կուսակալ Ռեշիդ բեյը: Հայերի բնաջնջման համար պետք է օգտագործվեին ինչպես զորքն ու ժանդարմերիան, այնպես էլ բանտերից ազատված արյունարբու մարդասպաններից կազմված հրոսակախմբերը, քրդական ավազակախմբերը, չեթեները, մահմեդական ֆանատիկ խուժանը, որոնց թիվը հասավ 10000-ի: Կազմակերպությունը իր ճյուղերն ստեղծեց Թուրքիայի ողջ տարածքում: Հատուկ կազմակերպության վարչական մարմինը մշակեց հայերի բնաջնջման հետևյալ հիմնական ծրագիրը.

7. Կարապետյան Մ., Հայաստանը 1912-1920թթ.վականներին, Երևան, 2003թ., էջ 59:

1. Թուրքական բանակ զորակոչված հայ զինվորների ոչնչացում,
2. Թիկունքի ողջ հայ բնակչության զինաթափում,
3. Հայ մտավորականության ձերբակալում, աքսոր և ոչնչացում,
4. Բոլոր հայերի բռնագաղթ դեպի Միջագետքի անապատները և նրանց ան-խնա բնաջնջում:

Որոշվեցին նաև հայերի տեղահանման ու ոչնչացման ժամկետներն ըստ վիլայեթների, սանջակների, քաղաքաների ու գյուղերի:

Այսպիսով՝ երիտթուրքական պարագլուխները համաշխարհային պատերազմը հարմար առիթ համարելով՝ սկսեցին իրենց կանխամտածված ծրագրի իրականացումը: Հայերի ցեղասպանության ծրագրի գործադրությունը սկսվեց Թուրքիայի՝ պատերազմի մեջ մտնելու առաջին օրերից: Պատերազմի սկզբում զորակոչվեց շուրջ 50 հազար հայեր, որոնք գտնվում էին դժոխային պայմաններում: Նրանք սնվում և հագնվում էին շատ վատ, ենթարկվում թուրք զինվորների

ծաղրուծանակին ու կամայականություններին ... Չնայած այդ ամենին՝ արևմտահայ զինվորներն ու սպաները բարեխղճորեն կատարում էին իրենց քաղաքացիական պարտքը և ամեն կերպ աշխատում էին խուսափել անցանկալի միջադեպներից:

Է1915թ. փետրվարի 27-ին հրաման արձակեցին զորամասերի հրամանատարներին՝

1. Կայսերական բանակում ծառայող բոլոր հայերին առանձնացնել իրենց զո-րաբաժիններից և աչքից հեռու վայրերում գնդակահարել,

2. Հայ սպաներին իրենց զորախմբերի բնակատեղերում բանտարկել և սպասել նոր ցուցումի,

3. Կատարման մասին զեկույցներ կայացնել 48 ժամվա ընթացքում:

Այս հրամանի հիման վրա 1915թվականի գարնանը թուրքական բանակի հայզինվորականները զինաթափվեցին ու առանձնացվեցին բացառապես բանվորական, աշխատանքային գումարտակների: Ընդհանուր առմամբ

կազմվեցին 120 այդպիսի գումարտակներ: Այդ տաժանակիր աշխատանքները կատարելուց հետո հայ զինվորները դավադրաբար սպանվեցին զանազան գաղտնի վայրերում:

8. Կարապետյան Մ., Հայտանը 1912-1920թվականներին, Երևան, 2003թ. էջ 60:

9. Հայերի ցեղասպանությունը Օսմանյան կայսրությունում (փաստաթղթերի և կրթիչի ժողովածու N, Արմիսյան Մ., խմբ., էջ 114:


Այսպիսով՝ արևմտահայության բնաջնջման առաջին մեծ գործողությունը թուրքական բանակի հայ զինվորների ոչնչացումն էր: Բացահայտ կեղծիք է այդ տմարդի արարքը հայերի դասալքությամբ հիմնավորելու թուրքական վարկածը, քանի որ թուրք և քուրդ դասալիքների թիվը մի քանի անգամ գերազանցում էր հայ դասալիքների թվից, իսկ վերջիններս էլ, եթե դասալքում էին, ապա այդ քայլին դիմում էին բանակում նրանց համար ստեղծված անտանելի պայմաններից դրդված:

Հայ մեծանուն բանաստեղծ Միամանթոն իր վերջին նամակներից մեկում, որ նա գրել էր 1914թ. սեպտեմբերի 5-ին Կ. Պոլսից, անդրադառնալով թուրքական բանակում հայ զինվորների վիճակի հարցին, նշել է. <<Իմ եղբայրս, որ միակ դրամ շահողն է մեր տանը մեջ, առին և տարին: Ահավոր բան կը գրե: Օրը կես սոման հաց կուտան. կը պառկին վրաններու տակ և ցեխին մեջ. հագուստ չունին. զինվոր են և զենք չունին, կը խմեն ցեխի ջուր:... Հաց կհուսան, չեն ստանար և չեն ըմբոստանար>>: Թուրք բժիշկները հրաժարվում էին օգնություն ցույց տալ վիրավոր կամ հիվանդ հայ զինվորներին<sup>10</sup>:

Փաստորեն, այսպես երիտթուրքերը հայերին զրկում էին պաշտպանվելու հնարավորությունից: Մեծ եղեռնի երկրորդ խոշոր գործողությունը արևմտահայ մտավորականության ձերբակալությունը, աքսորն ու գազանաբարո ոչնչացումն էր: Դրա նպատակը արևմտահայության գլխատումը, նրան ուղղություն տվող, ղեկավարող ուժից զրկելն էր: Ամենաձանր հարվածը հասցվեց Պոլսին, ուր կենտրոնացված էր հայ մտավորականության ընտրանին՝ գրողներ, արվեստագետներ, գիտնականներ, բժիշկներ, մանկավարժներ, լրագրողներ, հասարակական-քաղաքական գործիչներ: Այս գործողությունները ղեկավարում էր Պոլսի ոստիկանապետ Պետրի բեյը: Նախօրոք կազմվեց սև ցուցակներ, որի կազմվելուն իրենց մասնակցությունն են բերել ոստիկանատան հայ ուրացող ծառայողները: 1915թ. ապրիլի 24-ին միաժամանակ ձերբակալվեցին և Պոլսի Մետեռիանե կենտրոնական բանտ բերվեցին հայ մտավորականների առաջին

խումբը՝ շուրջ 230 հոգի: Այդ արյունոտ կիրակին հայ ժողովրդի պատմության մեջ մտավ որպես ամենասև տարեթիվ, համազգային սգի օր:

10. Կիրակույան Ջ., Առաջին համաշխարհային պատերազմը և արևմտահայությունը, էջ 265



Մեծ եղեռնի երրորդ և ամենաարյունոտ գործողությունը նահանգներում հայերի բռնի տեղահանությունն ու կոտորածն էր: Սուկ այն փաստը, որ տեղահանությունը տարածվեց ամբողջ Թուրքիայի, այդ թվում նաև այնպիսի շրջանների հայության վրա, որոնք հարյուրավոր կիլոմետրերով հեռու էին ռազմական գործողությունների թատերաբեմից, լիովին մերկացնում է թուրքական այն կարծիքը, թե իբր տեղահանությունը կատարվել է ռազմա-ստրատեգիական անհրաժեշտությունից ելնելով: Հարց էր դրվում <<առավելագույն չափով օգտվել բացառիկ կացությունից>>, որ այդպիսի առիթ միշտ չէր ներկայանալու<sup>11</sup>:

Երիտթուրքերի կառավարությունը Թալեաթի ստորագրությամբ մի գաղտնի կարգադրություն հղեց վիլայեթների իշխանություններին, ուր ասվում էր, որ անհրաժեշտ է ոչնչացնել Արևմտյան Հայաստանի և Կիլիկիայի ողջ հայ ազգաբնակչությանը: <<Կառավարությունը, - նշվում էր կարգադրության մեջ, - իր վրա է վերցնում ամբողջ պատասխանատվությունը և հրամայում է չխնայել անգամ օրորոցի երեխաներին>><sup>12</sup>:

Փաստորեն սա բնաջնջման հրահանգ էր: Հրահանգում տրվում էր կործանարար տեղահանության կազմակերպման մանրամասները.

1. Բոլոր հայերը պիտի մեկնեին. գյուղ առ գյուղ կամ թաղամաս առ թաղամաս՝ ուստիկան-զինվորների հսկողության տակ
2. Նրանց արգելվում էր հողերը և գույքը վաճառել կամ ուրիշի մոտ թողնել, այլ պիտի հանձնեին պետությանը, որովհետև հայերը տեղահանվում էին իբր

11. Կիրակույան Ջ., Առաջին համաշխարհային պատերազմը և արևմտահայությունը, էջ 283 :

12. Չայ ժողովրդի պատմություն VI հատոր , Երևան , 1981թ. , էջ 554-555:

Ժամանակավորապես, և պատերազմից հետո վերադառնալով՝ հետ էին ստանալու իրենց ունեցվածքը:



3. Կապահովվի հայերի կյանքը
4. Ճանապարհին նրանց կտրվի անհրաժեշտ օգնություն
5. Չենթարկվողների և ոստիկան-զինվորների վրա զենք բարձրացնողների դեմ զենք կգործադրվի, իսկ փախուստի փորձ կատարողներն ու նրանց պատսպարողները կդատվեն պատերազմական աստյանով ու կգնդակահարվեն<sup>13</sup>:



Ամբողջ Թուրքիայով մեկ սկսվեց հայ բնակչության սիստեմատիկ ոչնչացումը, ըստ երևույթին, այն նպատակով, որպեսզի արմատից ոչնչացվեր հայկական հարցի ծագման հնարավորությունը<sup>14</sup>:

1915թ. ապրիլ-մայիսին տեղահան արվեցին Կիլիկիայի հայերը, հունիս-հուլիսին՝ Կարինի, Տրապիզոնի, Վանի, Բիթլիսի, Խարբերդի և Սվազի, օգոստոս-սեպտեմբերին՝ Անկարայի, Ադաբազարի, Բրուսայի, Ջեբել-Մուսայի, Ուրֆայի և Այնթափի հայերը: Ադրիանապոլսից հայերն աքսորվեցին հոկտեմբերին, Կեսարիայից՝ նոյեմբերին: Երկրի «մաքրագործումը» հայ ազգաբնակչությունից տևեց 1915թ. ապրիլից մինչև նոյեմբերը<sup>15</sup>:

Թուրքական իշխանություններն արյունոտ դատաստան տեսան ոչ միայն հայկական վիլայեթներում, այլև Փոքր Ասիայի արևմտյան շրջաններում ու

13. Կարապետյան Մ. Ս., Հայաստանը 1912-1920թթ., էջ 67:

14. Խորշոյան Լ., Մելրոյան Ա., Մկրտչյան Լ. և ուրիշներ, Հայոց ցեղասպանությունը, Երևան 2001թ., էջ 300:

15. Հայ ժողովրդի պատմություն VI հատոր, Երևան, 1981թ., էջ 555:

Թրակիայում բնակվող հայերի նկատմամբ: Հայերին գլխովին չաքսորեցին միայն երկու քաղաքներից՝ Կ. Պոլսից ու Ջմյունիայից: Դա բացատրվում էր մի կողմից նրանով, որ այդ քաղաքներում էին գտնվում չեզոք տերությունների դիվանագիտական ներկայացուցիչները և թղթակիցներ, որոնք կտարածեին աշխարհով մեկ թուրք ջարդարարների ոճրագործությունները, իսկ մյուս կողմից՝ թուրքական կառավարությունը վախենում էր այդ քաղաքների տնտեսական կյանքի խափանումից, որտեղ հայերը վճռական դեր էին խաղում:



Այսպիսով, 1915-1918թթ. ընթացքում երիտթուրքական կառավարության կողմից ձեռնարկված հայաջինջ գործողությունների հետևանքով մոտ երկու միլիոն հայեր արքայազնացին, որոնցից մեկ ու կես միլիոնից ավելին սպանվեց կամ գոհ գնաց սովին ու համաճարակին, Միջագետքի անապատներում: Բնի թուրքացման ենթարկվեցին շուրջ երկու հարյուր հազար հայեր, գերազանցապես կանայք ու երեխաներ:

Այսպիսով՝ երիտթուրքերը գազանային եղանակով «լուծեցին» Հայկական հարցը: Մեծ եղեռնից հետո արյունարբու Թալեաթ փաշան պաշտոնապես հայտարարեց՝ «Չկա այլևս Հայկական հարց, քանի որ չկան նաև հայեր: Բնաջնջելով և տեղահան անելով արևմտահայությանը, երիտթուրքական

կառավարող շրջանները, իրենց կարծիքով, « վերացրին այդ խոչընդոտը», որը խանգարում էր իրենց պանթուրքական, զավթողական ծրագրերի իրականացմանը: Տրամաբանական ոչ մի կասկած չկա, որ ոճիրը ծրագրված ու

գործադրված էր քաղաքական պատճառներով: Առիթը ներկայացել էր թուրքական հողը ազատելու մի քրիստոնյա ցեղից, որը ... աշխարհագրականորեն գտնվում էր թուրքական ու կովկասյան իսլամական ժողովուրդների միջև: Տեղի ունեցածը, հիրավի, նախադեպը չունեցող մի ոճրագործություն էր, որը կազմակերպեցին և առավել դաժանորեն իրագործեցին երիտթուրքական ջարդարարները<sup>16</sup>:

1919թ. հուլիսին Կ.Պոլսի ռազմական տրիբունալը հեռակա կարգով մահվան դատապարտեց Թալեաթին, Էնվերին, Ջեմալին, կուսակցության գլխավոր քարտուղար Նազրմին՝ Թուրքիային պատերազմի մեջ ներքաշելու և հայ ժողովրդի բռնազաղթն ու զանգվածային ջարդերը կազմակերպելու համար: Սա ըստ էության, Հայ դատի ճանաչումն էր պաշտոնական Թուրքիայի կողմից:

Այսպիսով թուրքերը չկարողացան կենսագործել պանթուրքիզմի գաղափարախոսության իրականացման հիմնական պայմանը, չվերացավ հայկական սեպը, որը շարունակում է մնալ իբրև խոչընդոտ Մեծ Թուրանի ստեղծման ճանապարհին : Մեր օրերում « Հայկական հարց»-ը շարունակում է մնալ առկախված : Արյունարբու Աբդուլ Համիդ սուլթանին, երիտթուրք պարագլուխներին և արթուրք Քեմալին եկել է փոխարինելու նոր արյունարբու «սուլթան Էրդողանը » , որի համար « հայկական սեպ » են Արցախն ու Զանգեզուրը :

Եվ քանի դեռ չի իրագործվել պանթուրքիզմի գաղափարախոսությունը, կա և գոյություն կունենա պանթուրքիզմը՝ իր վտանգներով: Սա անվիճելի իրողություն է:

Ուստի պետք է դասեր քաղել պատմությունից և ամուր կանգնել պետականության և անկախության դիրքերում :



## Փորձարարական դաս 1

**Թեմայի ուսուցումը << Շրջված դասարան >> մեթոդով SՀS կիրառմամբ**

**Ուսուցչի` Վարդուհի Հարությունյան**

**Դասարանը` 8-րդ դասարան**

**Ամիս-ամսաթիվ**

**Առարկան` Հայոց պատմություն**

**Դասարան` 8-րդ**

**Դասի տևողությունը` 45 րոպե**

**Դասի թեման` << Հայոց Մեծ եղեռնը>>**

**Դասի տիպը` << Շրջված դասարան >>**

**Դասի նպատակը .**

**Կրթական` սովորողը պետք է իմանա`**

. Հայոց Մեծ եղեռնը տեղի է ունեցել Առաջին համաշխարհային պատերազմի ընթացքում

. Հայոց Մեծ եղեռնը իրագործվել է երեք խոշոր փուլերով

. Մեծ Եղեռնին զոհ դարձան Արևմտյան Հայաստանում և Օսմանյան կայսրության մյուս նահանգներում ապրող ավելի քան 2,5 մլն հայերից 1,5 մլն հայ:

**Խնդիրները`**

. **Կրթական`** կարողանա վերլուծել երիտթուրքերի `հայերի ցեղասպանության ծրագիրը, դրա իրագործման քայլերի հաջորդականությունը , ցեղասպանության իրականացումն ու դրա հետևանքները ,գտնի նմանություններ և տարբերություններ համիադյան ջարդերի հետ , կատարի ընդհանրացում :

. **Զարգացնող`**

զարգացնել սովորողների քննադատական մտածողությունը , վերլուծելու կարողությունը,ընդլայնել նրանց մտահորիզոնը, կենտրոնացնել ուշադրությունը :

. **Դաստիարակչական`**

գիտակցի, որ երտթուրքերի կողմից կազմակերպված ցեղասպանությունը ոչ միայն համազգային , այլև համամարդկային ողբերգություն է ,արժևորի ցեղասպանության դատապարտման կարևորությունը և կարևորի ՄԱԿ-ի կողմից 1948թ. դեկտեմբերի 9-ի որշման դերը համայն մարդկության կյանքում :

**Դասի ավարտին սովորողը պետք է`**

. **Իմանա`**

հիմնական հասկացությունները, առանցքային գաղափարները, պատմական իրադարձությունները, ցեղասպանության ծրագիրը, գործիչներին :

. **Կարողանա`**

բացատրել երիտթուրքերի եղեռնագործության պատճառները, վերլուծել ցեղասպանության ընթացքն ու հետևանքները :

. **Տիրապետի`**

1915թ. հայոց Մեծ Եղեռնի հիմնական դրվագներին :

. **Գիտակցի`**

հայոց Մեծ Եղեռնի դատապարտման դերն ու կարևորությունը համայն մարդկության կյանքում :

**Ներառարկայական և միջառարկայական կապեր - << Հայոց պատմություն >> 8-րդ դասարան , <<Նոր դարեր>> 8-րդ դասարան , << Հայ գրականություն >> 8-րդ դասարան :**

**Ուսուցման մեթոդներ հնարներ** – ԽԻԿ համակարգ , մտագրոհ, խմբավորում , T-աձև, m-աձև աղյուսակներ, համառոտ դասախոսություն , գրույց , քննարկում :

**Անհրաժեշտ սարքավորումներ** համակարգիչ, պրոյեկտոր

**Ուսումնադիտողական պարագաներ** դասագիրք , պատմության տետր , բաշխիչ նյութ , նկարներ, քարտեզ , SՏS գործիքներ

**Դասի ընթացքը**

**Հաշվառում`**

**Դասը կառուցվում է ԽԻԿ համակարգով**

**Դասի խթանում`**

Աաշակերտներին նախապես հանձարարվել էր տանը դիտել հետևյալ տեսնյութը

<https://www.youtube.com/watch?v=OUpCfHvpats>

<<Մտագրոհ>> մեթոդի կիրառմամբ ուսուցիչը գրատախտակին գրում է <<1915թ. ապրիլի 24 >> և աշակերտներին հարց է ուղղում , թե ինչ իրադարձությունների հիման վրա է ապրիլի 24-ը համարվում զոհերի հիշատակի օր : Սովորողները տանը նախօրոք դիտած տեսանյութից և բաշխիչ նյութերից ձեռք բերած գիտելիքներից տալիս են տարբեր պատասխաններ, որոնք գրառվում են գրատախտակին :Խթանման փուլում այս մեթոդի կիրառմամբ .

1915թ. ապրիլի 24

.Պարզվում է սովորողների գիտելիքների նախնական պատկերը նոր նյութի վերաբերյալ:

. Ակտիվանում է նրանց հետաքրքրությունը դասապրոցեսին :

.Սովորողների մեջ ձևավորվում է գիտելիքներ և հմտություններ ձեռք բերելու ձգտում, շահագրգռվածություն:

**Դասի թեմայի մեկնաբանություն`**

Այնուհետև ուսուցիչը հանդես է գալիս կարճ դասախոսությամբ ի մի բերելով <<մտագրոհ >>-ի արդյունքները` վերը նշված ռեսուրսների օգտագործմամբ /գուգահեռաբար պրոյեկտորով ցուցադրվում են եղեռնի տեսարաններ/:

**Դասի իմաստի ընկալում`**

Այս փուլում դասարանը բաժանում ենք 6-7 հոգանոց 4 խմբերի , որանց տրվում է ինքնուրույն աշխատանք նախապես բաժանված բաշխիչ նյութերով ` այսպես`

**1-ին** խմբին հանձնարարվում է ներկայացնել հայերի ցեղասպանության երիտթուրքական ծրագիրը :

**2-րդ** խումբը m-աձև աղյուսակի օգնությամբ գրատախտակին կազմում է կայսրության բաժանումը 3 շրջանների / Արևմտյան Անատոլիա, Արևելյան Անատոլիա, Կիլիկիա և Սիրիա/ ըստ քարտեզի գրատախտակին նշվում են նաև Բոսֆորից մինչև Ալլայ Մեծ Թուրանի ճանապարհին <<կանգնած >> ժողովուրդները / հույներ, ասորիներ, արաբներ , հայեր.../

**3-րդ** խմբը ներկայացնում է 1915թ. ապրիլի 24-ին Կ. Պոլսում ձերբակալված և խոշտանգումների ենթարկված 600 հայ մտավորականներին: Այս փուլում կիրառում է learningapps գործիքը :

<https://learningapps.org/display?v=p8e5szmuj21>

**4-րդ** խումբը ներկայացնում է ցեղասպանության հետևանքները :

**Դասի կշռադատում`**

Կշռադատման փուլում, ուսուցիչը ի մի բերելով խմբերի կատարած աշխատանքները, համադասարանական քննարկումների արդյունքում ամփոփվում և ամբողջացնում է թեման՝ հանձնարարելով յուրաքանչյուր խմբին T –աձև աղյուսակով ներկայացնել .

ինչ գիտեին մինչև դասը սկսվելը	ինչ սովորեցին դասի ավարտին
-------------------------------	----------------------------

Կշռադատման փուլի ավարտին կարելի է կիրառել նաև Quizizz գործիք՝ աշակերտների գիտելիքները ստուգելու համար.

<https://quizizz.com/admin/quiz/6197fadc557e24001e9fccf1/%D5%B0%D5%A1%D5%B5%D5%B8%D6%81-%D5%BA%D5%A1%D5%BF%D5%B4%D5%B8%D6%82%D5%A9%D5%B5%D5%B8%D6%82%D5%B6-%D6%80%D5%A4-%D5%A4%D5%A1%D5%BD%D5%A1%D6%80%D5%A1%D5%B6>

Տնային առաջադրանք՝ Ուսուցիչը սովորողներին որպես տնային առաջադրանք հանձնարարում է ցեղասպանության նկատմամբ քաղաքակիրթ աշխարհի վերաբերմունքի, դատապարտման , ճանաչման և հետևանքների վերաբերյալ հարցերի ուսումնասիրություն, որը սովորողները կարող են ներկայացնել առցանց Linoit գործիքի միջոցով:

Գնահատում՝ սովորողները գնահատվում են ըստ կատարած աշխատանքի , ակտիվության աստիճանի:

<https://app.wisemapping.com/c/maps/1222817/edit>

## Վերլուծություն

Շրջված դասարանի մեթոդով և S2S գործիքների կիրառմամբ թեմայի ուսուցումը կազմակերպվեց 8-րդ դասարանում հայոց պատմության դասին: Դասարանում սովորում են 27 աշակերտներ : Մոդելի ընտրությունը հնարավորություն տվեց դասարանում ստեղծել ճկուն աշխատանքային միջավայր , որտեղ տեղեկատվության հիմնական հաղորդողը աշակերտներն էին ի տարբերություն ավանդակա մոդելի : Այսպես, մեր դասընթացի նյութը նախապես փոխանցվել էր աշակերտներին տեսանյութի ձևով , ուստի վերջիններս իրենք են ընտրել ,թե երբ և որտեղ ծանոթանան նյութին , իսկ ինձ՝ ուսուցչիս, հնարավորություն տրվեց ժամանակ շահել և ամենատարբեր հմտությունների կիրառմամբ նպաստել դասընթացը հասկանալու գործին : ԽԻԿ համակարգը հնարավորություն տվեց դասի երեք փուլերում կիրառել տարբեր մեթոդներ ու հնարներ / մտազրոհ, խմբավորում , T-աձև, m-աձև աղյուսակներ, համառոտ դասախոսություն , զրույց , քննարկում և այլն / : Այս ամենը զուգորդվեց S2S գործիքների կիրառմամբ /quizizz, learningapps, linoit և այլն/, ինչն ակնհայտ աշխույժություն, հետաքրքրություն առաջացրեց սովորողների շրջանում /որն , ի դեպ, հաճախ չենք կարող ասել ավանդական դասի համար /:

## Փորձարարական դաս 2

### Թեմայի ուսուցումը <<Խմբային աշխատանքի կամ համագործակցային ուսուցման>> միջոցով

Ուսուցչի՝ Վարդուհի Հարությունյան

Դասարանը՝ 8-րդ դասարան

Ամիս-ամսաթիվ-

Առարկան՝ Հայոց պատմություն

Դասի թեման՝ << Հայոց Մեծ եղեռնը >>

Դասի տևողությունը՝ 45 րոպե

Դասի տիպը՝ Նոր նյութի ուսումնասիրման

Դասի նպատակը

Կրթական՝ սովորողը պետք է իմանա՝

. Հայոց Մեծ եղեռնը տեղի է ունեցել Առաջին համաշխարհային պատերազմի ընթացքում

. Հայոց Մեծ եղեռնը իրագործվել է երեք խոշոր փուլերով

. Մեծ Եղեռնին զոհ դարձան Արևմտյան Հայաստանում և Օսմանյան կայսրության մյուս նահանգներում ապրող ավելի քան 2,5 մլն հայերից 1,5 մլն հայ:

Խնդիրները

• Կրթական՝

կարողանա վերլուծել երիտթուրքերի՝ հայերի ցեղասպանության ծրագիրը, դրա իրագործման քայլերի հաջորդականությունը, ցեղասպանության իրականացումն ու դրա հետևանքները, գտնի նմանություններ և տարբերություններ համիադյան ջարդերի հետ, կատարի ընդհանրացում :

• Զարգացնող՝

Զարգացնել սովորողների քննադատական մտածողությունը, վերլուծելու կարողությունը, ընդլայնել նրանց մտահորիզոնը, կենտրոնացնել ուշադրությունը :

Աստիարակչական՝

գիտակցի, որ երտթուրքերի կողմից կազմակերպված ցեղասպանությունը ոչ միայն համազգային, այլև համամարդկային ողբերգություն է, արժևորի ցեղասպանության դատապարտման կարևորությունը և կարևորի ՄԱԿ-ի կողմից 1948թ. դեկտեմբերի 9-ի որշման դերը համայն մարդկության կյանքում:

Դասի ավարտին սովորողը պետք է՝

- Իմանա՝ հիմնական հասկացությունները, առանցքային գաղափարները, պատմական իրադարձությունները, ցեղասպանության ծրագիրը, գործիչներին :
- Կարողանա՝ բացատրել երիտթուրքերի եղեռնագործության պատճառները, վերլուծել ցեղասպանության ընթացքն ու հետևանքները :
- Տիրապետի՝ 1915թ. հայոց Մեծ Եղեռնի հիմնական դրվագներին :
- Գիտակցի՝ հայոց Մեծ Եղեռնի դատապարտման դերն ու կարևորությունը համայն մարդկության կյանքում :

Ներառարկայական և միջառարկայական կապեր - << Հայոց պատմություն >> 8-րդ դասարան, <<Նոր դարեր>> 8-րդ դասարան :

Ուսուցման մեթոդներ հնարներ – խոսքային, ցուցադրական, էվրիստիկ զրույց, քառաբաժան, հասկացությունների աղյուսակ :

Ուսուցման միջոցներ, ուսումնառիտողական պարագաներ դասագիրք, նկարներ, քարտեզ :



**Դասի ընթացքը՝**

**Տնային հանձնարարության ստուգում՝** նախորդ թեմայի բանավոր հարցում , գրատախտակին ժամանակագրական աղյուսակի կազմում :

**Դասի խթանում՝** Հարցման մեթոդով ստուգել երեխաների գիտելիքները նոր թեմայի վերաբերյալ :

**Դասի իմաստի ընկալում՝**

դասարանը բաժանում ենք խմբերի ,որոնք ըստ ենթավերնագրերի ուսումնասիրեն նոր նյութը, ապա պատասխանում ուսուցչի կողմից առաջադրված մեկական հարցի :

**Դասի կշռադատում՝**

Ելնելով պատասխաններից ՝խմբերին առաջարկվում է ներկայացնել իրենց ենթավերնագրերը ՝ կիրառելով << քառաբաժան >> .

Ձեր տպավորությունները տեքստը կարդալիս	Տեքստը կարդալիս առաջացած զգացումները
Կարևորագույն 2 բառ բանալի /առանցքային հասկացություն, գաղափար/	Տեքստի համառոտ ներկայացումը սեփական բառերով :

Հարցերին պատասխանելու համար աշակերտներն աշխատում են խմբերով , ապա կազմակերպվում է համադասարանական քննարկում :Քննարկաման արդյունքում գրատախտակին գրվում է օրվա դասի կարևորագույն հետևությունը

**<< Ոչ ցեղասպանությանը >>**

սովորողները ստացած նոր գիտելիքները կարողացան արտահայտել իրենց բառերով և կշռադատումներով :

Աշխատանքներն ամփոփելուց հետո կարելի է կատարվում է անդրադարձ և գնահատում :

## Վերլուծություն

Երբ սովորեցնում ես , սովորում ես կրկնակի ...  
Մենեկա

Խմբային աշխատանքը կամ համագործակցային ուսուցումը ամենից շատ օգտագործվողներից է , որը հաճախ եմ կիրառում պատմության դասերին : Այն թույլ է տալիս սովորողներին ակտիվորեն մասնակցել ուսումնական գործընթացին, համագործակցել միմյանց հետ , անկաշկանդ հայտնել տեսակետներ , արտահայտել սեփական հույզերն ու զգացողությունները, օգնել միմյանց , վեր հանել հետևություններ, իրարից սովորել : Փորձարկված դասի ժամանակ յուրաքանչյուր խումբ մյուս խմբին կարողացավ բացատրել իր կարդացած տեքստի բովանդակությունը, վերլուծեց , պատասխանեց նրանց հարցերին: Մեթոդի կիրառմամբ կարողացա ուղղորդել համագործակցող խմբերին , նրանց կարողացա կենտրոնացնել գլխավոր հիմնահարցերի շուրջ `տալով բանալի բառեր: Այս մեթոդը նպաստեց աշակերտների մոտիվացմանը, նրանց միջև առավել սերտ կապերի ձևավորմանը :

## Եզրակացություն

<<Հայց մեծ եղեռնը>> հայ ժողովրդի պատմության ճակատագրական դրվագներից է , ուստի թեմայի արդյունավետ ուսուցումը մեծապես կախված է դաստիպի, դասավանդման մեթոդների ու հնարների ճիշտ ընտրությունից: Թեման փորձարկեցի 8-րդ և 8-րդ բ դասարաններում , առաջինի դեպքում օգտագործել եմ << Շրջված դասարան >> մոդելը ` SՀS-ի , մյուսում ` <<Խմբային աշխատանք կամ համագործակցային ուսուցում>> առանց SՀS գործիքների կիրառման : Փորձը ցույց տվեց ,որ << Շրջված դասարան >> մեթոդը ակտիվացրեց սովորողներին , նրանց դարձրեց առավել նախաձեռնող : Այս մոդելը հիմնված է տեղեկատվական և հաղորդակցության տեխնոլոգիաների զարգացման վրա, որոնց շնորհիվ իրականացվում է դասարանի շրջումը: Մեթոդի կիրառման դեպքում աշակերտներից յուրաքանչյուրը իրեն կարծես <<զգում էր >> ուսուցչի դերում ,ապահովելով սովորողների առավելագույն ներգրավվածություն , իսկ ես` իբրև ուսուցիչ , գիտելիքներ փոխանցողի դերից ասանցել էի միջնորդի դերի: Փորձարարական երկրորդ դասի ժամանակ համագործակցային աշխատանքը մոտիվացրեց սովորողներին , նրանց դարձրեց ավելի համարձակ սեփական կարծիքների ու հույզերի արտահայտման գործում , նրանք դրսևորեցին պատասխանատու վարքագիծ խմբային աշխատանքում : Հարկ է նշել , որ թեմայի ուսուցման արդյունավետությունը երբեմն պայմանավորված է նաև դասարանի կազմի առանձնահատկություններով :Այսպիսով, կարող ենք փաստել, որ ուսուցման պրոցեսում զանազան մեթոդների և SՀS գործիքների կիրառումը մեծապես օգնում են ուսուցչին լուծելու իր առջև դրված խնդիրները նպատակին հասցնելու գործում :

## Օգտագործված գրականության ցանկ

1. Խուրշուդյան Լ.,Հայոց ցեղասպանության պատճառներ և դասեր , մաս 1, Երևան , 1995:
2. Խուրշուդյան Լ., Մելքոնյան Ա., Մկրտչյան Լ. և ուրիշներ, Հայոց ցեղասպանությունը , Երևան 2001թ. :
3. Կարապետյան Մ. Ս., Հայաստանը 1912-1920 թվականներին , Երևան 2003:
4. Կիրակոսյան Ջ., Առաջին համաշխարհային պատերազմը և արևմտահայությունը , Երևան , 1967:
5. Ղուկասյան Ա. , Հայոց պատմություն 8-9 ուսուցչի ձեռնարկ , Երևան Մանմառ, 2013թ:

6. Ներսիսյան Մ. Գ., Հայ ժողովրդի մեծ ողբերգությունը ,Պատմա-բանասիրական հանդես N 1, Երևան 1995 :
7. Պողոսյան Ս., Պողոսյան Կ., Հայկական հարցի և հայոց ցեղասպանության պատմություն , հատոր I, II, Երևան 2002:
8. <https://elearning.iedf.am/my/>
9. <http://armyansky.narod.ru/history/20-th-centuty-1915:>
10. <https://elearning.iedf.am/mod/page/view.php?id=30724>
11. <https://elearning.iedf.am/mod/page/view.php?id=30729>